

## DECRÈT 100/2015

Carlos Barrera Sánchez, sindic deth Conselh Generau d'Aran, en tot hèr usatge des facultats que me conferís er article 29.c) dera Lei 1/2015, de 1 de hereuèr de 2015, sus eth Regim Especiau d'Aran,

### È RESOLVUT:

PRUMÈR.- Convocar Session Extraordinària deth Plen deth Conselh Generau d'Aran entath dia **24 de març de 2015**, en prumèra convocatòria, entàs **10:00 ores**, ena Sala de Sessions dera Casa deth Senhor d'Arròs.

DUSAU.- Fixar eth següent Orde deth dia:

- 1) Aprobacion, se procedís, deth requeriment de documentacion ar adjudicatari deth contracte dera "*Gestion, mantienement, operativitat e explotacion der elipòrt dera Val d'Aran (Betren)*" mejançant procediment dubèrt, damb tramitacion ordinària [Sauvament e escandiment de huecs].
- 2) Aprobacion, se procedís, deth plec de clausules administratives particulars e des plects de prescripcions tecnicas, der expedient de contractacion e dera licitacion dera contractacion dera "*Explotacion, conservacion e mantienement des sistèmes de sanejament dera Val d'Aran*" mejançant procediment dubèrt, damb tramitacion ordinària [Provision domiciliària d'aigua potabla].
- 3) Aprobacion, se procedís dera creacion e modificacion de fichèrs de dades de caractèr personau deth Conselh Generau d'Aran.
- 4) Aprobacion inicial, se procedís, dera desafectacion parciau der immòble plaçat ara nautada deth pk 30,500 dera carretèra C-28, deth tèrme municipau de Naut Aran, afectat ath servici d'usatge public de parcatge de veïculs, en tot tractar-se d'un element funcionau dera carretèra, entara cession graüita deth 50% en proindivís dera finca a favor der Ajuntament de Naut Aran [Infraestructures deth transpòrt].
- 5) Aprobacion inicial, se procedís, dera cession en precari der usatge der antic locau der organisme autonòm locau *Foment Torisme Val d'Aran* plaçat ena Carretèra de Gausac numerò 1 e cedit pera Cambra Oficial de Comerç i Indústria de Lleida ath Conselh Generau d'Aran.
- 6) Aprobacion, se procedís, dera cession ar Ajuntament de Vielha Mijaran de 17,74 m<sup>2</sup> segregadi dera finca registrau 7950 entà sistèma viari segontes nòrmes subsidiàries e de planejament dera Val d'Aran.
- 7) Aprobacion, se procedís, dera formulacion de requeriment prelable ara interposicion de recors contenciós-administratiu en contra dera aprobacion definitiva dera modificacion deth Plan Director Urbanistic dera Val d'Aran per part deth Conseller de Territori i Sostenibilitat dera Generalitat de Catalunya, entara sua correccion.

- 8) Aprobacion, se procedís, deth nomentament deth representant deth Conselh Generau d'Aran ena Secretaria permanenta dera omission bilaterau Govèrn dera Generalitat – Conselh Generau d'Aran.
- 9) Aprobacion, se procedís, dera demana ar Estat Espanhòu d'un Reiau Decret-Lei entà paliar es maus ocasionadi pes inundacions de junh de 2013 en Aran.

Vielha, 19 de març de 2015

Dauant mèn

Carlos Barrera Sánchez  
SINDIC D'ARAN

David Montalà Palau  
SECRETARI